

Afrika Borwa e na le bothata
bo boholo ba dijo. Motho ya
mong ho ba bane mona Afrika
Borwa hangata o robala a sa
ja! Hona ha ho a amoheleha.
Na sesosa se seholo sa bothata
bona ke sefe?

**Dikhampani tse
kgolohadi tsa dijo di
tlatlapa mafutsana!**

Taolo ya ditheko ke moo dikhampani
tse hlodisanang le tse ding
mmarakeng o le mong di kopanang
ka tsela e seng molaong e be di beha
ditheko tsa thepa e tshwanang. Ka
ho dumellana hore ha ho na ofe kapa
ofe wa bona ya tla rekisa ka ditheko
tse tlase, dikhampani tsena di qobella
bareki ho lefa ditheko tse hodimo tseo
di di behang.

Pakeng tsa 1999 le 2007, **Tiger Brands**,
Pioneer Foods le **Premier Foods**, di
ile tsa laola ditheko tsa borotho le
phoofo, e leng dijo tsa rona tse pedi tsa
ka mehla. Batho ba futsanehileng le ho
feta, ba Afrika Borwa, ba tshepetseng
dijong tsena ho fumana dijo tsa bona
tsa letsatsi le letsatsi, ke bona ba ileng
ba ameha haholo ke ho laolwa hona hwa
ditheko.

Dikhampani tsena di ile tsa faenwa ke
Khomishene ya Dithlodisano ka baka
la boitshwaro ba tsona tse mpe boo di
dumellaneng ka bona, empa hona ha ho
eso etse hore di emise ho nyolla ditheko
tsa dijo. Haesale ho tloha nakong eo
ditjeho tsa dijo le diprofitti tsa dikhampani
tsena di nyolohile haholo.

MORERO WA LEKUNUTU LA DITHEKO TSA DIJO

Batho ba

Afrika Borwa
ba futsanehileng ke bona ba utiwang boima ba ditheko
tsa dijo tse nyolohang ha diprofitti tsa dikhampani tse
kgolo tsa dijo tsona di ntse di ya hodimo.



**Disuphamakete hape
di sekiming**

Khomishene ya Dithlodisano e
fupuditse disuphamakete tse
kgolohadi tsa Afrika Borwa
hobane e belaela hore di lefisa
bareki ditheko tse fetang tekano
bakeng sa dijo tsa ka mehla.

Tsona disuphamakete tseo hape
di sebedisa matla a tsona ho
thibela dikgwebo tse nyenane
hore di se hlodisane le tsona.

**Mokgwatshebetso wa
dijo mona Afrika Borwa
o senyehile!! Ha o lekane
hape o sehloho.**

**Ho etswa diprofitti
ka batho ba
futsanehileng le
ho feta, ba naha
ya habo rona...
Mahlabisa dihlong
a makaana!!**

